

## Guliktrałcher.

Do jednyj firmy prziszoł guliktrałcher, taki Wiycie, „fachura łod waser, gaz ónd szajsy” co by zrychtować haźlik we tyj firmie. Wlôz do kancelaryji i sie pytô:

- Nô, tóż kaj jes tyn srôcz ?
- Dziołcha ze tyj kancelaryji łostrzymnie łodpedziała:
- Mój szef poszoł na łobiod.
- Ale, ale, pamiczko, wyście mie falesznie spomiarkowali. Jô miôł na myśli te dwa zera !
- Wiedzóm łóni panoczku, jejigo zastympce majóm terôzki srogo „narada”.
- Ale, ale paniczko złoto, jô sie pytóm kaj sie sam u wôs gówno robi !!!
- Aha, miarkuja, kapłach sie ... rachónkowość to jes na drugim sztoku ...